

# Buletin **Bandaraya** MAJLIS BANDARAYA ISKANDAR PUTERI



Bil.2/2021 UKPA

Laman Sesawang : [www.m bip.gov.my](http://www.m bip.gov.my) | e-mel : [admin@m bip.gov.my](mailto:admin@m bip.gov.my)

## LAWATAN DATUK BANDAR KE KAMPUNG TUAH JAYA YANG TERJEJAS AKIBAT BANJIR



- LAWATAN DATUK BANDAR KE KAWASAN YANG MENGALAMI BANJIR KILAT DAN POKOK TUMBANG
- KUNJUNGAN HORMAT PENGARAH KPDNHEP JOHOR
- 1.7 JUTA PELITUP MUKA DISAMPAIKAN KEPADA MURID DAN PELAJAR SEKOLAH SELURUH JOHOR



@mbipofficial



@mbipofficial



019 7555404



MBIP- Majlis Bandaraya Iskandar Puteri



Hotline Call Centre 1-300-80-5000

# SIDANG EDITOR

## PENASIHAT

Yang Berhormat Dato' Haji Mohd Haffiz bin Haji Ahmad  
Datuk Bandar

Yang Berbahagia Tuan Haji Abu Bakar bin Mohamed Salleh  
Setiausaha

## KETUA EDITOR

Encik Azrullail bin Masiyan

## EDITOR

Puan Siti Nuratiqah binti Abu Amin  
Puan Maizatul Akmar binti Rabudin

## SIDANG EDITOR

Encik Mohamad Nor Azhar bin Noor Mohamed  
Puan Nur Fazira binti Mohd. Isa  
Puan Normalah binti Othman  
Encik Fahkrul Anuar bin Salleh

## PEREKA

Encik Al-Imran bin Ariffin

## JURUFOTO

Encik Mohd Farithrizal bin Md. Zain

## PENERBIT

Unit Korporat dan Perhubungan Awam  
Majlis Bandaraya Iskandar Puteri  
Jalan Medini Sentral 9, Bandar Medini Iskandar,  
79250 Iskandar Puteri, Johor Darul Ta'zim

Telefon : 07- 5555000  
Call Centre : 1300-80-5000  
Faks : 07- 5567831  
Emel : admin@mbip.gov.my  
Whatsapp Aduan : 019-7555404  
Twitter : @mbipofficial  
Instagram : @mbipofficial  
Facebook : MBIP - Majlis Bandaraya Iskandar Puteri

# ISI KANDUNGAN

## PERISTIWA

PROJEK KEBUN KOMUNITI DAN PENGKOMPOSAN SISA SIRI 1 : DI KELAB ALAMI, MUKIM TANJUNG KUPANG, ISKANDAR PUTERI	[03]	PROGRAM BUBUR LAMBUK RAMADAN 1442H	[14]
LAWATAN DATUK BANDAR KE KAWASAN YANG MENGALAMI BANJIR KILAT DAN POKOK TUMBANG	[04]	LAWATAN KE TAPAK BAZAR RAMADAN DAN AGIHAN BUBUR LAMBUK OLEH PENGERUSI JAWATANKUASA PERUMAHAN DAN KERAJAAN TEMPATAN NEGERI JOHOR	[15]
SAMBUTAN HARI AIR SEDUNIA 2021 PERINGKAT NEGERI JOHOR DI SUNGAI SKUDAI	[04]	GRAB YOUR BUBUR 2021	[16]
PROGRAM GOTONG-ROYONG PASCA BANJIR SOUTHERN VOLUNTEER ISKANDAR PUTERI	[05]	1.7 JUTA PELITUP MUKA DISAMPAIKAN KEPADA MURID DAN PELAJAR SEKOLAH SELURUH JOHOR	[16]
MAJLIS PELANCARAN PELAKSANAAN PROGRAM UJIAN RINTIS BAS RAPID TRANSIT (BRT) DI ISKANDAR MALAYSIA	[05]	PROGRAM PENYERAHAN BANTUAN KEPERLUAN ASAS KEPADA PELAJAR DAN KAKITANGAN UNIVERSITI TEKNOLOGI MALAYSIA (UTM) SKUDAI	[17]
ACARA POKET PERTANDINGAN KALENDAR RENDAH KARBON : SIRI 1/2021	[06]	PEMANTAUAN OPERASI BERSEPADU COVID-19 BERSAMA PDRM PADA PERINTAH KAWALAN PERGERAKAN (PKP)	[17]
PROGRAM GOTONG-ROYONG MEMBERSIKHKAN TANAH PERKUBURAN ISLAM BUKIT RODZIAH OLEH SOUTHERN VOLUNTEERS ISKANDAR PUTERI	[06]	PROGRAM BANTUAN DAN CSR MBIP KEPADA PIHAK PENGURUSAN UTM	[18]
LAWATAN DATUK BANDAR KE TAPAK BAZAR RAMADAN DI TAMAN UNGKU TUN AMINAH DAN TAMAN PERLING	[07]	PEMASANGAN KEPERLUAN DAN PERALATAN SEKATAN JALAN RAYA (SJR) DI BAWAH IPD JOHOR BAHRU UTARA	[18]
LAWATAN DATUK BANDAR MBIP KE TAPAK BAZAR RAMADAN DISEKITAR GELANG PATAH	[07]	PROGRAM SANITASI COVID 19	[19]
PROGRAM PENGAGIHAN BUBUR LAMBUK DAN MAJLIS PENYERAHAN BARANGAN KEPERLUAN HARIAN KEPADA KOMUNITI KAMPUNG PENDAS LAUT	[08]	LAWATAN TAPAK BERSAMA DATUK BANDAR MAJLIS BANDARAYA ISKANDAR PUTERI DI KAMPUNG PENDAS BARU BERKAITAN HAKISAN TANAH	[19]
LAWATAN DATUK BANDAR KE KAMPUNG TUAH JAYA YANG TERJEJAS AKIBAT BANJIR	[09]	PROGRAM KEMPEN PENDAFTARAN VAKSINASI COVID-19 MAJLIS BANDARAYA ISKANDAR PUTERI	[20]
MAJLIS KHATAM AL-QURAN, BERBUKA PUASA DAN SOLAT TARAWIH PERINGKAT MAJLIS BANDARAYA ISKANDAR PUTERI	[09]	OPS JUDI HARAM	[20]
ACARA POKET SIRI 2 BERSEMPENA PROGRAM PERTANDINGAN KALENDAR ISKANDAR PUTERI RENDAH KARBON 2021 DI SUTERA MALL	[10]	PROGRAM SANITASI DAN PENDAFTARAN VAKSIN COVID-19	[20]
LAWATAN KE TAPAK BAZAR RAMADAN OLEH DATUK BANDAR MBIP BERSAMA KETUA POLIS JOHOR	[11]	PROGRAM KEMENAG PENDAFTARAN VAKSIN COVID-19 MAJLIS BANDARAYA ISKANDAR PUTERI	[21]
LAWATAN DATUK BANDAR BERSAMA AGENSI DAN PENDUDUK BAGI PENYELESAIAN ISU BANJIR KILAT DI TAMAN SYED IDRUS DAN KAMPUNG MUAFAKAT, GELANG PATAH	[12]	<b>ZOOM</b>	[21]
TAKLIMAT DAN LAWATAN BERKAITAN PELAN TINDAKAN PENCEGAHAN BANJIR KILAT OLEH JAWATANKUASA TASK FORCE MAJLIS BANDARAYA ISKANDAR PUTERI	[13]	KAKITANGAN BERSARA	[22]
PERMOHONAN BAZAR RAMADAN TAHUN 2021M/1442H MAJLIS BANDARAYA ISKANDAR PUTERI	[13]	JASAMU DIKENANG (KAKITANGAN YANG TELAH MENINGGAL DUNIA)	[22]
KUNJUNGAN HORMAT PENGARAH KPDNHEP JOHOR	[14]		

## KEMASYARAKATAN

PROGRAM CORPORATE SOCIAL RESPONSIBILITY (CSR) BANTUAN  
ASNAF DENGAN KERJASAMA AL-IKHSAN SPORTS SDN BHD

PROGRAM ZIARAH KASIH

## ZOOM

KAKITANGAN BERSARA

JASAMU DIKENANG (KAKITANGAN YANG TELAH MENINGGAL DUNIA)

## PROJEK KEBUN KOMUNITI DAN PENGKOMPOSAN SISA SIRI 1: DI KELAB ALAMI, MUKIM TANJUNG KUPANG, ISKANDAR PUTERI

Oleh: Normalah binti Othman

Pada 3 April 2021, Majlis Bandaraya Iskandar Puteri (MBIP) telah menganjurkan Projek Kebun Komuniti dan Pengkomposan Sisa di Kelab Alami, Mukim Tanjung Kupang. Projek yang didukung oleh Universiti Teknologi Malaysia (UTM) melalui perkongsian kepakaran dan sukarelawan ini merupakan salah satu inisiatif kejiranhan hijau yang telah dilaksanakan oleh MBIP.

Projek ini turut mendapat pembiayaan sokongan daripada *Green Technology Application for the Development of Low Carbon Cities (GTALCC)* dengan kerjasama *United Nation Development Program (UNDP)* melalui dana *Green Environment Facility (GEF)*. Program kali ini lebih bermakna hasil kerjasama antara komuniti Kelab Alami, wakil MBIP, pelajar-pelajar Sekolah Pendidikan (UTM) dan staf akademik Sekolah Pendidikan dan Fakulti Sains UTM. Aktiviti program dimulakan dengan sesi demonstrasi dan taklimat pemindahan ilmu pengkomposan dan teknik kultur hugel, diselang-selikian dengan teknik penanaman dan pembajaan organik serta gotong-royong.



## LAWATAN DATUK BANDAR KE KAWASAN BANJIR KILAT DAN POKOK TUMBANG

Oleh: Mohamad Nor Azhar bin Noor Mohamed

Pada 4 April 2021, Yang Berhormat Dato' Haji Mohd Haffiz bin Haji Ahmad, Datuk Bandar Majlis Bandaraya Iskandar Puteri telah meninjau situasi banjir bagi mengenal pasti punca berlakunya banjir kilat di Taman Syed Idrus dan Kampung Baru Muafakat Gelang Patah. Turut hadir bersama Setiausaha, Ahli Majlis dan Ketua Jabatan Kejuruteraan Majlis Bandaraya Iskandar Puteri. Pihak MBIP merakamkan jutaan terima kasih kepada Pasukan Bomba dan Penyelamat di atas ketangkasannya memberi bantuan dan menyelamat. Selain itu, Datuk Bandar juga meninjau beberapa kawasan pokok tumbang di Gelang Patah. Pasukan tebang cantas MBIP telah mengambil tindakan segera bagi menyelesaikan masalah tersebut.



## SAMBUTAN HARI AIR SEDUNIA 2021 PERINGKAT NEGERI JOHOR DI SUNGAI SKUDAI

Oleh: Editor

Yang Amat Berhormat Dato' Haji Hasni Mohammad, Menteri Besar Johor telah merasmikan Program Sayangi Sungai sempena Hari Air Sedunia peringkat negeri Johor pada 6 April 2021 di Sungai Skudai. Turut hadir ialah Yang Berhormat Dato' Haji Mohd Haffiz bin Haji Ahmad, Datuk Bandar Majlis Bandaraya Iskandar Puteri dan Nor Ifuan Md Nor, Ketua Eksekutif Ranhill SAJ.

Sungai Skudai merupakan lembangan sungai ketiga terbesar di Johor Bahru dan menjadi salah satu sumber air yang penting di kawasan sekitarnya. Kepanjangannya di kawasan MBIP adalah meliputi sepanjang 12 kilometer. Keadaan semasa Sungai Skudai semakin kritis dengan kualiti air sungai ini telah diklasifikasikan kepada Kelas Tiga dan Empat (bergantung kepada keadaan semasa).

Oleh itu, pihak MBIP telah mengambil langkah yang proaktif dalam usaha memulihara Sungai Skudai dengan mewujudkan Pelan Pemuliharaan Sungai Skudai yang akan berfokus kepada usaha pemuliharaan sungai, kualiti air dan penggunaan optimum sebagai *public realm* kepada penduduk di samping mendatangkan kesan positif terhadap pembangunan ekonomi di kawasan tersebut.

Penyediaan Kajian Rancangan Kawasan Khas Sungai Skudai merupakan salah satu pelan tindakan segera yang telah direncanakan dalam Pelan Pemuliharaan Sungai Skudai. Kajian ini lebih menumpukan kepada penyelesaian masalah pencemaran sungai melalui aspek perancangan secara menyeluruh dengan mewujudkan mekanisme pelaksanaan dan pengurusan yang berkesan termasuklah perancangan guna tanah, kawalan pembangunan, garis panduan dan pelaksanaan penguatkuasaan.

Bertepatan dengan pelaksanaan Pelan Pemuliharaan Sungai Skudai, pihak MBIP telah mengambil inisiatif dalam melaksanakan beberapa buah program yang memfokuskan kepada *Behavior Change* dan *Zero Waste Lifestyle* dengan memberi pendedahan dan kesedaran terhadap isu serta kepentingan menjaga alam sekitar dalam kalangan masyarakat.

Unit Sungai Bahagian Saliran, Jabatan Kejuruteraan MBIP telah membina dua buah *log boom* sebagai perangkap sampah di Kampung Laut Skudai dan Taman Impian Emas. *Log boom* ini berfungsi sebagai perangkap sampah yang berada di atas permukaan sungai. Jumlah purata sampah yang terperangkap setiap tiga tan setiap bulan. Selain itu, unit sungai juga dalam perancangan untuk membina *silt trap* atau perangkap lumpur dan kelodak di setiap *monsun drain* yang akan memasuki sungai supaya lumpur dan kelodak dapat ditahan sebelum memasuki sungai.



## PROGRAM GOTONG-ROYONG PASCA BANJIR SOUTHERN VOLUNTEER ISKANDAR PUTERI

Oleh: Mohamad Nor Azhar bin Noor Mohamed

Pasukan *Southern Volunteer Iskandar Puteri* (SVIP) dengan kerjasama Balai Bomba Iskandar Puteri dan *SWM Environment Sdn. Bhd.* telah menjalankan kerja-kerja pembersihan pasca banjir bagi kediaman yang terjejas akibat banjir pada 7 dan 8 April 2021.

Kerja-kerja pembersihan tersebut melibatkan beberapa kawasan di sekitar Taman Dato' Syed Mohd Idrus dan Kampung Baru Muafakat, Gelang Patah.

Lebih 60 orang petugas telah terlibat sepanjang program berlangsung dengan sokongan beberapa kenderaan pengangkut daripada Majlis Bandaraya Iskandar Puteri, *SWM Environment Sdn. Bhd.* dan *Safwa Global Venture Sdn. Bhd.*

Turut hadir pada program berkenaan Tuan Haji Abu Bakar bin Mohamed Salleh, Setiausaha MBIP dan Tuan Haji Pandak bin Ahmad, Ahli Majlis MBIP dan wakil-wakil penduduk setempat.



## MAJLIS PELANCARAN PELAKSANAAN PROGRAM UJIAN RINTIS BAS RAPID TRANSIT (BRT) DI ISKANDAR MALAYSIA

Oleh: Editor

Pada 8 April 2021 bertempat di Hotel Jen Puteri Harbour by Shangri-La, Yang Amat Berhormat Dato' Haji Hasni Mohammad, Menteri Besar Johor telah merasmikan pelaksanaan sistem Bas Rapid Transit Iskandar Malaysia (IMBRT) yang memulakan projek rintisnya di Iskandar Malaysia. Ujian rintis tersebut diadakan selama tiga bulan menggunakan bas berteknologi hijau berasaskan elektrik dan biodiesel daripada sembilan buah syarikat pengeluar bas tempatan dan antarabangsa. IMBRT dijangka mempunyai liputan rangkaian yang akan menghubungkan kawasan seluas 2,043 kilometer atau kira-kira 90 peratus daripada kawasan berpenduduk di Iskandar Malaysia, membabitkan pelbagai laluan. Apabila dilaksanakan sepenuhnya, IMBRT dijangka mampu menghubungkan 55 laluan perantara dan 44 laluan terus dengan laluan utama merangkumi 33 buah stesen melibatkan kawasan Iskandar Puteri, Skudai dan Tebrau.



## ACARA POKET PERTANDINGAN KALENDAR RENDAH KARBON: SIRI 1/2021

Oleh: Normalah binti Othman

Pada 10 April 2021, Majlis Bandaraya Iskandar Puteri dengan kerjasama Universiti Teknologi Malaysia (UTM), Pihak Berkuasa Wilayah Pembangunan Iskandar (IRDA) dan *SWM Environment Sdn Bhd* telah mengadakan Acara Poket Pertandingan Kalender Rendah Karbon: Siri 1/2021 bertempat di Blok A1, Flat Kenari, Kangkar Pulai.

Antara aktiviti menarik yang diadakan sepanjang program ini berlangsung adalah jualan minyak masak terpakai, penghantaran barang kitar semula, pertandingan melukis dan mewarna bagi kanak-kanak dan cabaran *Upcycle*.

Seramai 19 orang pemenang telah terpilih dan telah menerima hamper bernilai RM200 setiap satu. Selain itu, 30 penghantar barang kitar semula terawal akan menerima *goodies* daripada pihak MBIP.



## PROGRAM GOTONG-ROYONG MEMBERSIHAKAN TANAH PERKUBURAN ISLAM BUKIT RODZIAH OLEH SOUTHERN VOLUNTEERS ISKANDAR PUTERI

Oleh: Nur Fazira binti Mohd. Isa

Pada 10 April 2021, *Southern Volunteers Iskandar Puteri* (SVIP) dengan kerjasama Jawatankuasa Masjid Gelang Patah dan Jawatankuasa Penduduk Taman Nusantara telah mengadakan program gotong-royong bagi membersihkan kawasan persekitaran Perkuburan Islam Bukit Rodziah, Gelang Patah bersempena menyambut kedatangan bulan Ramadan. Objektif program ini dijalankan adalah untuk memupuk sifat tanggungjawab dalam kalangan masyarakat setempat bahkan juga kepada agama dan bangsa. Program gotong-royong ini juga bertujuan untuk memberi pendedahan kepada masyarakat berkaitan kerja-kerja amal yang melibatkan nilai kemasyarakatan sekaligus menyemarakkan lagi bulan Sya'aban bagi mengalu-alukan kedatangan bulan Ramadan.

Lebih 60 orang sukarelawan bersama penduduk setempat telah menyertai program berkenaan. Program tersebut telah diketuai oleh Yang Berhormat Dato' Haji Mohd Haffiz bin Haji Ahmad, Datuk Bandar MBIP bersama Tuan Haji Abu Bakar bin Mohamed Salleh, Setiausaha MBIP, Tuan Haji Jamaluddin bin Kalam, Pengurus Masjid Gelang Patah dan Tuan Haji Abd Razak bin Khalid, Pengurus Persatuan Penduduk Taman Nusantara. Antara aktiviti yang dilakukan ialah membersih dan memotong rumput, mencantas dan menebang pokok-pokok, mencabut semak dan lalang serta membuang dahan yang reput.



## LAWATAN DATUK BANDAR KE TAPAK BAZAR RAMADAN DI TAMAN UNGKU TUN AMINAH DAN TAMAN PERLING

Oleh: Editor

Yang Berhormat Dato' Haji Mohd Haffiz bin Haji Ahmad, Datuk Bandar Majlis Bandaraya Iskandar Puteri telah mengadakan lawatan ke tapak bazar Ramadan di Jalan Perwira 19, Taman Ungku Tun Aminah dan Jalan Layang 16, Taman Perlindungan.

Lawatan diadakan untuk meninjau aktiviti-aktiviti perniagaan pada hari pertama pembukaan tapak bazar Ramadan, selain memantau terhadap pematuhan syarat-syarat dan Prosedur Operasi Standard (SOP) yang telah ditetapkan ketika ini.

Terdapat beberapa cadangan penambahbaikan akan dilaksanakan bagi semua tapak bazar Ramadan di bawah pentadbiran MBIP seperti kawalan keluar masuk pengunjung dan peniaga, kawalan lalu lintas, tambahan anggota penguatkuasa yang bertugas dan sebagainya.

Dalam pada itu, semua peniaga dan pengunjung diminta untuk sentiasa mematuhi Prosedur Operasi Standard (SOP) Covid-19 semasa Perintah Kawalan Pergerakan Bersyarat (PKPB) yang sedang dikuatkuasakan ketika ini seperti sentiasa memakai pelitup muka, mengimbas kod MySejahtera, menggunakan *hand sanitizer* serta mengamalkan penjarakan fizikal.



## LAWATAN DATUK BANDAR MBIP KE TAPAK BAZAR RAMADAN DI SEKITAR GELANG PATAH

Oleh: Editor

Pada 14 April 2021, Yang Berhormat Dato' Haji Mohd Haffiz bin Haji Ahmad, Datuk Bandar Majlis Bandaraya Iskandar Puteri telah mengadakan lawatan ke beberapa tapak bazar Ramadan di Jalan Persiaran Ledang Heights, Iskandar Puteri, Jalan Medan Nusa Perintis 2, Taman Nusa Perintis dan Jalan Persiaran Nusaria, Taman Nusantara, Gelang Patah.

Tujuan lawatan diadakan bagi meninjau aktiviti-aktiviti perniagaan di tapak bazar Ramadan di bawah pengurusan MBIP dan pihak pengajur luar, selain memantau terhadap pematuhan semua syarat-syarat lesen dan Prosedur Operasi Standard (SOP) yang telah ditetapkan ketika ini.

Pada sesi lawatan berkenaan, terdapat beberapa perkara yang perlu diambil perhatian oleh semua pihak terutamanya pihak pengajur tapak bazar Ramadan seperti memastikan kawalan anggota keselamatan dan petugas yang mencukupi bagi memantau kawalan pergerakan keluar masuk pengunjung dan membuat pemantauan terhadap pematuhan Prosedur Operasi Standard (SOP) di dalam kawasan tapak bazar Ramadan. Selain itu, semua peniaga juga diminta untuk mematuhi syarat-syarat yang telah ditetapkan ketika berniaga di tapak bazar Ramadan seperti sentiasa memakai pelitup muka, memastikan peniaga dan pembantu telah membuat suntikan *typhoid* sahaja dibenarkan berada dalam ruang niaga, meminimumkan pekerja dalam satu-satu masa dan lain-lain syarat yang telah ditetapkan.

Dalam pada itu, pengunjung juga dinasihatkan agar tidak membawa golongan berisiko seperti kanak-kanak ke tapak bazar Ramadan bagi mengelak risiko penularan khususnya kepada golongan kanak-kanak. Turut hadir pada lawatan berkenaan, Ahli-ahli Majlis MBIP, Ketua Polis Balai Iskandar Puteri dan wakil pengajur tapak bazar Ramadan.



## PROGRAM PENGAGIHAN BUBUR LAMBUK DAN MAJLIS PENYERAHAN BARANG-BARANG KEPERLUAN HARIAN KEPADA KOMUNITI KAMPUNG PENDAS LAUT

Oleh: Editor

Yang Berhormat Dato' Haji Mohd Haffiz bin Haji Ahmad, Datuk Bandar Majlis Bandaraya Iskandar Puteri telah menyempurnakan program Pengagihan Bubur Lambuk dan Penyampaian Sumbangan Barang Keperluan Harian kepada Komuniti Kampung Pendas Laut, Gelang Patah pada 17 April 2021.

Program berkenaan merupakan Program Tanggungjawab Sosial Korporat Sunway City Iskandar Puteri dengan kerjasama Bulan Sabit Merah Malaysia, Kelab Alami Tanjung Kupang dan Komuniti Kampung Pendas Laut sempena menyambut bulan Ramadan pada tahun ini.

Program seumpama ini diharap dapat diteruskan di masa hadapan, hal ini secara tidak langsung dapat membantu mengurangkan beban komuniti setempat, sekali gus membantu meningkatkan sektor ekonomi dan pelancongan seperti program/aktiviti yang dijalankan oleh Kelab Alami Tanjung Kupang.

Turut hadir bersama Yang Berhormat Dato' Haji Mohd Rasihidi Mohd Nor, Timbalan Pengurus Jawatankuasa Khidmat Masyarakat dan Kesihatan Kebangsaan, Bulan Sabit Merah Malaysia, Tuan Haji Abu Bakar bin Mohamed Salleh, Setiausaha MBIP, Encik Gerard Soosay, Ketua Pegawai Eksekutif, Sunway City Iskandar Puteri dan Encik Wan Md Salleh bin Junaini, Pengurus Koperasi Alami Johor Berhad.



**LAWATAN DATUK BANDAR KE KAMPUNG TUAH JAYA YANG TERJEJAS AKIBAT BANJIR**

Oleh: Mohamad Nor Azhar bin Noor Mohamed

Yang Berhormat Dato' Haji Mohd Haffiz bin Haji Ahmad Datuk Bandar, Majlis Bandaraya Iskandar Puteri telah mengadakan lawatan ke Kampung Tuah Jaya, Johor Bahru yang terjejas akibat banjir selepas hujan lebat pada 17 April 2021.

Sebanyak 155 buah rumah telah terjejas manakala sebanyak 54 buah keluarga telah dipindahkan ke pusat penempatan sementara di Dewan Hajah Maimon, Jalan Panglin, Taman Perling.

Pihak majlis telah menyalurkan bantuan segera berupa keperluan logistik serta petugas bagi membantu penduduk-penduduk yang terjejas. Pelbagai agensi telah bekerjasama membantu mangsa yang terjejas sekaligus mengawal di kawasan berkenaan dengan bantuan pihak PDRM, BOMBA dan APM.

Turut hadir pada lawatan tersebut, Tuan Haji Abu Bakar bin Mohamed Salleh, Setiausaha MBIP dan Dato' Haji Abdul Rashid bin Kasman, Ahli Majlis MBIP.

**MAJLIS KHATAM AL-QURAN, BERBUKA PUASA DAN SOLAT TARAWIH PERINGKAT MAJLIS BANDARAYA ISKANDAR PUTERI**

Oleh: Mohamad Nor Azhar bin Noor Mohamed

Majlis ini diadakan pada 25 April 2021 bersamaan 13 Ramadan 1442H di Dewan Serbaguna MBIP Skudai, turut hadir Datuk Bandar Majlis Bandaraya Iskandar Puteri, Ahli Majlis, Ketua Jabatan, Bahagian dan Unit serta warga kerja MBIP.

Majlis Khatam Al-Quran telah dibimbing oleh Ustaz Abu Bakar bin Watak dan diserikan dengan tazkirah yang disampaikan oleh As Sheikh Haji Muhammad Husni Tamrin bin Md Sharif sebelum majlis berbuka puasa.



## ACARA POKET SIRI 2 BERSEMPENA PROGRAM PERTANDINGAN KALENDAR ISKANDAR PUTERI RENDAH KARBON 2021 DI SUTERA MALL

Oleh: Normalah binti Othman

Majlis Bandaraya Iskandar Puteri (MBIP) dengan kerjasama Universiti Teknologi Malaysia (UTM), Pihak Berkusa Wilayah Pembangunan Iskandar (IRDA), Jabatan Pelajaran Negeri Johor (JPNJ) dan *SWM Environment Sdn. Bhd* telah menganjurkan Acara Poket Siri 2 yang merupakan salah satu inisiatif di bawah Program Pertandingan Kalender Iskandar Puteri Rendah Karbon 2021 pada 17 dan 18 April 2021.

Sesi ini dijalankan dengan berkonsepkan pandu lalu bagi memudahkan penduduk di kawasan MBIP untuk menjalankan aktiviti. Selain itu, acara seperti ini dianjurkan untuk memberi kesedaran terhadap inisiatif Masyarakat Rendah Karbon, Gaya Hidup Bebas Sisa dan Pemuliharaan Alam Sekitar yang telah diketengahkan oleh MBIP sejak tahun 2018 sehingga sekarang.

Ia dimeriahkan lagi dengan kehadiran sebanyak 246 buah kenderaan awam yang terdiri daripada penduduk di dalam dan di luar kawasan MBIP yang telah menghantar barang kitar semula sepanjang dua hari acara ini diadakan. Anggaran keseluruhan barang kitar semula yang berjaya dikumpul adalah sekitar 4 tan pakaian terpakai, 400 liter minyak masak terpakai dan barang kitar semula.



**LAWATAN KE TAPAK BAZAR RAMADAN OLEH DATUK BANDAR MBIP BERSAMA KETUA POLIS JOHOR**

Oleh: Editor

Pada 20 April 2021, Yang Berhormat Dato' Haji Mohd Haffiz bin Haji Ahmad, Datuk Bandar Majlis Bandaraya Iskandar Puteri telah mengiringi YDH CP Dato' Ayob Khan bin Mydin Pitchay, Ketua Polis Johor ke tapak bazar Ramadan di Taman Nusa Perintis dan Taman Pulai Indah. Tujuan lawatan diadakan untuk meninjau aktiviti-aktiviti perniagaan di tapak bazar Ramadan serta memantau terhadap pematuhan semua syarat-syarat dan Prosedur Operasi Standard (SOP) yang sedang dikuatkuasakan ketika ini.

Semua peniaga dan pengunjung diminta untuk sentiasa mematuhi Prosedur Operasi Standard (SOP) Covid-19 semasa Perintah Kawalan Pergerakan Bersyarat (PKPB) yang sedang dikuatkuasakan ketika ini seperti sentiasa memakai pelitup muka, mengimbas kod MySejahtera, menggunakan *hand sanitizer* serta mengamalkan penjarakan fizikal.

Turut hadir pada lawatan berkenaan, YDH SAC Alzafny bin Ahmad, Ketua Jabatan Pencegahan Jenayah dan Keselamatan Komuniti (JPJKK) Johor, YDH ACP Dzulkhairi bin Mukhtar, Ketua Polis Daerah Iskandar Puteri, YDH Supt. Ibrahim bin Mat Som, Timbalan Ketua Polis Daerah Iskandar Puteri, dan YDH DSP Mohd Nawi bin Yunos, Pegawai Turus Ketenteraman Awam (PTKA) Johor.



## LAWATAN DATUK BANDAR BERSAMA AGENSI DAN PENDUDUK TAMAN SYED IDRUS DAN KAMPUNG MUAFAKAT, GELANG PATAH

Oleh: Editor

Pada 22 April 2021, Yang Berhormat Dato' Haji Mohd Haffiz bin Haji Ahmad telah mengadakan perjumpaan bersama agensi, Ahli Majlis dan wakil penduduk bagi membincangkan isu banjir yang sering melanda di kawasan ini serta langkah-langkah jangka pendek, sederhana dan panjang yang wajar diambil bagi menangani masalah. Turut hadir dalam sesi lawatan ini ialah wakil daripada pihak UTHM yang turut dipanggil bagi menyumbangkan pandangan dan pengalaman dalam perbincangan ini. Dalam perbincangan ini, terdapat beberapa lokasi telah dikenal pasti perlu untuk diambil tindakan segera melalui penyelesaian jangka pendek. Lawatan tapak dibuat ke lokasi yang dikenal pasti untuk diambil tindakan segera oleh agensi sepetimana berikut:

1. Kerja penyelenggaraan dan mendalamkan Sungai Gelang Patah dan Sungai Senapang oleh JPS.
2. Kerja penyelenggaraan sistem perparitan tepi jalan dan menaiktaraf *crossing culvert* di Jalan J4 oleh JKR.
3. Pihak JKR dalam tindakan penamatkan kontrak kepada kontraktor lama dan melantik kontraktor baru bagi projek menaiktaraf jambatan, jalan dan perparitan di J4 sepanjang 700 meter dengan kos RM12 juta
4. Penyelenggaraan kolam tadahan di Taman Nusa Puncak oleh MBIP
5. Menyediakan perparitan bahu jalan di Lebuhraya Nusa Cemerlang oleh Pemaju UEM Sunrise Sdn.Bhd
6. Kajian tebatan banjir Lembangan Sungai Pulai untuk mengatasi masalah banjir di Gelang Patah oleh JPS (tindakan jangka masa panjang)



## TAKLIMAT DAN LAWATAN BERKAITAN PELAN TINDAKAN PENCEGAHAN BANJIR KILAT OLEH JAWATANKUASA TASK FORCE MAJLIS BANDARAYA ISKANDAR PUTERI

Oleh: Mohamad Nor Azhar bin Noor Mohamed

Pada 22 April 2021, Majlis Bandaraya Iskandar Puteri telah menubuhkan Jawatankuasa *Task Force* bersama agensi-agensi teknikal bagi mendapatkan satu penyelesaian terbaik berkaitan banjir kilat yang berlaku sejak beberapa tahun kebelakangan ini.

Taklimat oleh Jawatankuasa *Task Force* bagi isu-isu berkaitan banjir kilat yang melibatkan Kampung Muafakat Baru dan Taman Dato' Mohamed Syed Idrus telah diadakan di Balai Raya Kampung Muafakat Baru, Gelang Patah dan telah dipengerusikan oleh YB Dato' Haji Mohd Haffiz bin Haji Ahmad, Datuk Bandar MBIP.

Penglibatan semua pihak dalam Jawatankuasa *Task Force* ini amat penting bagi mendapatkan formula terbaik untuk melaksanakan tindakan dalam tempoh jangka pendek, sederhana mahupun jangka panjang.

Antara faktor berlakunya banjir kilat adalah sistem peparan dan sungai yang tidak mampu menampung semasa hujan lebat serta projek pembangunan dipersisiran sungai.

Antara agensi yang terlibat dalam *Task Force* berkenaan ialah Jabatan Pengairan dan Saliran (JPS), Jabatan Kerja Raya (JKR), Pejabat Daerah Johor Bahru, Jabatan Alam Sekitar, Pejabat Tanah dan Galian, Pihak Berkuasa Wilayah Pembangunan Iskandar (IRDA) serta Universiti Tun Hussein Onn (UTHM).

Selain Ahli-ahli Majlis MBIP, Penghulu Mukim Tanjung Kupang dan Ketua Kampung Tiram Duku juga turut terlibat sama.



## PERMOHONAN BAZAR RAMADAN TAHUN 2021M/1442H MAJLIS BANDARAYA ISKANDAR PUTERI

Oleh: Editor

Pada 4 hingga 6 April 2021 telah berlangsung sesi permohonan Bazar Ramadan bagi tahun 2021 di Dewan Serbaguna, Majlis Bandaraya Iskandar Puteri, Skudai.



## KUNJUNGAN HORMAT PENGARAH KPDNHEP JOHOR

Oleh: Mohamad Nor Azhar bin Noor Mohamed

Pada 25 April 2021, Datuk Bandar telah menerima kunjungan hormat daripada Pengarah Kementerian Perdagangan Dalam Negeri dan Hal Ehwal Pengguna (KPDNHEP) Johor iaitu Encik Mohd Hairul Annuar bin Bohro di Pejabat Datuk Bandar MBIP. Turut hadir bersama Tuan Rohaimi bin Mohamed Zawawi, Timbalan Ketua Pegawai Penguatkuasa Negeri.

Antara perkara dibincangkan adalah berkenaan penguatkuasaan kawalan harga barang dan isu mewajibkan peniaga-peniaga mempamerkan tanda harga barang/perkhidmatan di bawah Akta Kawalan Harga dan Anti Pencatutan 2011.



## PROGRAM BUBUR LAMBUK RAMADAN 1442H

Oleh: Mohamad Nor Azhar bin Noor Mohamed

Program Bubur Lambuk Ramadan 1442H telah dianjurkan oleh Majlis Bandaraya Iskandar Puteri. Program ini berlangsung selama tiga hari bermula 27 April 2021 sehingga 29 April 2021. Turut terlibat dalam menjayakan program ini ialah ahli Southern Volunteer Iskandar Puteri (SVIP) bersama AJK Masjid Mutiara Rini.

Untuk makluman, *Southern Volunteers* telah dirasmikan dan penubuhannya adalah pada 21 Disember 2020 oleh DYAM Tunku Ismail Ibni Sultan Ibrahim, Tunku Mahkota Johor.

*Southern Volunteers* ditubuhkan bagi menggalakkan penyertaan para belia dalam aktiviti kemasyarakatan dan sukarelawan untuk memberi khidmat kepada rakyat dan negeri Johor. Peranan *Southern Volunteers* adalah untuk menjadi pemangkin kepada pembentukan budaya kesukarelawanan dalam kalangan belia Johor. *Southern Volunteers* juga bakal menjadi gerakan besar-besaran di peringkat akar umbi serta bersedia menggalas apa jua misi kemanusiaan bagi membantu golongan yang memerlukan.

Menjunjung Kasih TMJ.



**LAWATAN KE TAPAK BAZAR RAMADAN DAN AGIHAN BUBUR LAMBUK OLEH PENGERUSI JAWATANKUASA PERUMAHAN DAN KERAJAAN TEMPATAN NEGERI JOHOR**

Oleh: Mohamad Nor Azhar bin Noor Mohamed



Yang Berhormat Dato' Haji Mohd Haffiz bin Haji Ahmad, Datuk Bandar Iskandar Puteri telah mengiringi Yang Berhormat Tuan Haji Ayub bin Haji Jamil, Pengerusi Jawatankuasa Perumahan dan Kerajaan Tempatan Negeri Johor ke Tapak Bazar Ramadan, Jalan Kemuliaan 2, Taman Universiti, Skudai pada 28 April 2021.

Lawatan berkenaan diadakan bagi meninjau aktiviti-aktiviti perniagaan di tapak bazar Ramadan serta memantau terhadap pematuhan semua syarat-syarat dan Prosedur Operasi Standard (SOP) yang sedang dikuatkuasakan ketika ini.

Pihak kerajaan negeri Johor telah mengeluarkan garis panduan berkaitan pembukaan tapak bazar Ramadan termasuk bazar aidilfitri dan ia telah diseragamkan di semua Pihak Berkua Tempatan (PBT) di negeri ini.

Kelonggaran pembukaan bazar Ramadan dan Aidilfitri ini hendaklah digunakan sebaiknya oleh semua peniaga, ia secara tidak langsung dapat menjana pendapatan kepada peniaga-peniaga khususnya peniaga kecil dan sederhana di negeri Johor.

Secara keseluruhannya, sebanyak 198 lokasi tapak bazar Ramadan dan lebih 10,000 peniaga di seluruh negeri Johor pada tahun ini.

Dalam pada itu, agihan bubur lambuk di bawah program sukarelawan *Southern Volunteers Iskandar Puteri*, turut diedarkan kepada pengunjung-pengunjung di bazar Ramadan berkenaan.

Turut hadir pada lawatan berkenaan, Encik Fakhru Zafran bin Absl Kamarul Azman, Ahli Majlis MBIP, Zon Taman Universiti.



### **"GRAB YOUR BUBUR 2021"**

Oleh: Mohamad Nor Azhar bin Noor Mohamed

Program Bubur Lambuk *Southern Volunteers Grab Your Bubur 2021* anjuran *Southern Volunteers*, Kerajaan Johor, JOYDEC dan Majlis Bandaraya Johor Bahru telah diadakan pada 1 Mei 2021 bertempat di Tunku Mahkota Ismail Youth Centre, Hutan Bandar, Johor Bahru.

Program yang telah disertai oleh wakil ahli *Southern Volunteers* dari pelbagai pertubuhan belia, NGO, SV Daerah seluruh Negeri Johor dan SV PBT Johor diadakan bagi menyediakan juadah bubur lambuk untuk diagihkan ke beberapa lokasi tumpuan orang awam dan beberapa Bazar Ramadan terpilih di sekitar Johor Bahru.



Program yang bermula seawal jam 9.00 pagi sehingga 4.00 petang ini telah dilancarkan oleh Yang Berhormat Datuk Onn Hafiz bin Ghazi, Pengurus Jawatankuasa Pelancongan, Belia dan Sukan Negeri Johor dan turut disertai oleh Yang Berhormat Dato' Haji Adib Azhari Bin Daud, Datuk Bandar Majlis Bandaraya Johor Bahru bersama-sama Encik Nor Syazlan Bin Abd Razak, Pengarah Majlis Sukan Negeri Johor.



### **1.7 JUTA PELITUP MUKA DISAMPAIKAN KEPADA MURID DAN PELAJAR SEKOLAH SELURUH JOHOR**

Oleh: Editor

Sebanyak 1.7 juta pelitup muka daripada Yayasan Sultan Ibrahim Johor (YSIJ) dengan kerjasama Yayasan Temasik dari Singapura diagihkan kepada seluruh daerah di Johor untuk disampaikan kepada murid dan pelajar sekolah.

Sumbangan ini diserahkan oleh Ahli Lembaga Pemegang Amanah YSIJ, Dato' Avinderjit Singh dengan diiringi oleh Fadly Suffian Laili, Ketua Pegawai Eksekutif YSIJ kepada

Saifullah Ahmad, Penolong Pengarah Jabatan Pendidikan Negeri Johor pada 24 Mei 2021.

Turut hadir Yang Berhormat Dato' Haji Haffiz bin Haji Ahmad, Datuk Bandar MBIP.

Saifullah berkata beliau sebagai wakil warga pendidik menjunjung kasih kepada DYMM Sultan Johor di atas sumbangan pelitup muka yang akan digunakan oleh murid dan pelajar sekolah ketika sekolah dibuka kelak.

"Semoga dengan sumbangan pelitup muka ini akan dapat membantu murid dan pelajar serta warga pendidik terhindar daripada wabak Covid-19 ketika di sekolah nanti" katanya.

Semua penerima akan menerima dua keping pelitup muka bercirikan anti bakteria, boleh dibasuh dan digunakan semula sehingga 30 kali pemakaian bagi setiap keping.



## PROGRAM PENYERAHAN BANTUAN KEPERLUAN ASAS KEPADA PELAJAR DAN KAKITANGAN UNIVERSITI TEKNOLOGI MALAYSIA (UTM) SKUDAI

Oleh: Mohamad Nor Azhar bin Noor Mohamed

Pada 25 Mei 2021, Yang Berhormat Dato' Haji Mohd Haffiz bin Haji Ahmad, Datuk Bandar Majlis Bandaraya Iskandar Puteri telah menyempurnakan program penyerahan bantuan keperluan asas dan pelitup muka kepada pelajar-pelajar dan kakitangan Universiti Teknologi Malaysia di Wisma MBIP, Skudai yang berada di bawah Perintah Kawalan Pergerakan Diperketatkan (PKPD) bermula daripada 21 Mei hingga 3 Jun 2021.

Pada program berkenaan, Majlis Bandaraya Iskandar Puteri telah menyediakan sebanyak 400 bungkus makanan dan keperluan asas untuk diedarkan khas kepada pelajar-pelajar yang terlibat.

Selain itu, Yayasan Penyayang Iskandar Puteri pula telah menyediakan 250 bungkus makanan dan keperluan asas untuk diedarkan kepada kakitangan berkeluarga di UTM Skudai.

Manakala, Yayasan Sultan Ibrahim Johor turut menyumbangkan sebanyak 5000 set pelitup muka untuk diedarkan kepada pelajar dan kakitangan UTM Skudai. Penyerahan sumbangan berkenaan telah disampaikan kepada Prof. Ts. Dr. Mohd Hamdan bin Haji Ahmad, Timbalan Naib Canselor (Pembangunan) Universiti Teknologi Malaysia.

Program berkenaan merupakan Program Tanggungjawab Sosial Korporat (CSR) kepada masyarakat, khususnya Universiti Teknologi Malaysia (UTM) Skudai yang merupakan antara rakan strategik utama MBIP dalam menjayakan pelbagai program dan aktiviti secara bersama melalui pengkongsian kepakaran sedia ada dan sebagainya termasuk juga penglibatan pelajar-pelajar UTM Skudai.

Turut hadir pada program berkenaan, Yang Berhormat Dato' Avinderjit Singh, Ahli Lembaga Pemegang Amanah Yayasan Sultan Ibrahim Johor, Tuan Haji Zainor bin Adani, Pegawai Daerah Kulai dan Tuan Haji Abu Bakar bin Mohamed Salleh, Setiausaha MBIP.

## PEMANTAUAN OPERASI BERSEPADU COVID-19 BERSAMA PDRM PADA PERINTAH KAWALAN PERGERAKAN (PKP)

Oleh: Fahkrul Anuar bin Salleh

Sekali lagi negeri Johor telah melaksanakan Perintah Kawalan Pergerakan (PKP) bermula 7 Mei 2021. Jabatan Penguatkuasaan telah bekerjasama dengan PDRM bagi menjalankan kerja-kerja Pemantauan Operasi Bersepadu Covid-19. Pemantauan ini memfokuskan Pasar Awam, Pasaraya/Pusat Beli Belah, Restoran, Hotel, Klinik Swasta, Premis Perniagaan, Bank, Penjaja, Rumah Ibadat, Tempat Riadah dan Industri. Hal ini bertujuan untuk memantau pematuhan semua syarat-syarat dan Prosedur Operasi Standard (SOP) yang telah ditetapkan.



## PROGRAM BANTUAN DAN CSR MBIP KEPADA PIHAK PENGURUSAN UTM

Oleh: Editor

Pada 21, 22, 25, dan 26 Mei 2021 bermula 9.30 pagi, seramai 32 orang ahli Corporate Social Responsibility (CSR) Majlis Bandaraya Iskandar Puteri telah memberikan bantuan sanitasi dan pelupusan sisa pepejal kepada pihak pengurusan Universiti Teknologi Malaysia (UTM) yang dikenakan Perintah Kawalan Pergerakan Diperketatkan (PKPD) bermula 21 Mei 2021 sehingga 3 Jun 2021, melibatkan 3,227 komuniti di 10 buah kolej kediaman UTM.



## PEMASANGAN KEPERLUAN DAN PERALATAN SEKATAN JALAN RAYA (SJR) DI BAWAH IPD JOHOR BAHRU UTARA

Oleh: Mohamad Nor Azhar bin Noor Mohamed

Pada 31 Mei 2021, Majlis Bandaraya Iskandar Puteri (MBIP) telah menyalurkan bantuan keperluan dan peralatan di lokasi Sekatan Jalan Raya (SJR) seliaan IPD Johor Bahru iaitu di Jalan Air Hitam / Johor Bahru selaras dengan Perintah Kawalan Pergerakan (PKP) Fasa 1 yang mula dikuatkuasakan bermula 1 Jun 2021 hingga 14 Jun 2021.

Dalam pada itu, bantuan pemasangan peralatan dan keperluan di lokasi SJR berkenaan adalah untuk memastikan keselesaan dan keselamatan anggota polis yang bertugas selain membantu kelancaran aliran trafik di lokasi berkenaan.

Pihak MBIP telah membantu menyediakan pelbagai jenis keperluan dan peralatan seperti khemah, tandas bergerak, barrier keselamatan, kerusi, meja, lampu, kipas termasuk bekalan elektrik.

ACP Rupiah binti Abd Wahid, Ketua Polis Daerah IPD Johor Bahru Utara turut hadir semasa kerja-kerja persiapan berkenaan dijalankan. Selain itu, orang ramai telah dinasihatkan agar mematuhi segala arahan di bawah Perintah Kawalan Pergerakan yang sedang dikuatkuasakan bagi mengekang penularan wabak Covid-19. Turut hadir pada program berkenaan, Yang Berhormat Dato' Avinderjit Singh, Ahli Lembaga Pemegang Amanah Yayasan Sultan Ibrahim Johor, Tuan Haji Zainor bin Adani, Pegawai Daerah Kulai dan Tuan Haji Abu Bakar bin Mohamed Salleh, Setiausaha MBIP.



## PROGRAM SANITASI COVID-19

Oleh: Editor

Pada 18 Jun 2021, program sanitasi awam telah dilaksanakan oleh pihak Jabatan Kesihatan Awam, Majlis Bandaraya Iskandar Puteri (MBIP) di Projek Perumahan Rakyat (PPR) Melana Indah, Sungai Perlind melibatkan tiga buah blok 12 tingkat iaitu Blok Kenyalang, Blok Nuri dan Blok Kenari dengan kekuatan anggota seramai 25 orang. Program ini melibatkan Ahli Majlis dan Pegawai Penyelaras Zon 23 MPIB dengan kerjasama Pegawai dan kakitangan Unit Kesihatan MBIP. Turut hadir menjayakan program ialah Ahli JKP Zon 23 MBIP dan wakil penduduk PPR Melana.

Menerusi program ini, sambutan penduduk amat luar biasa dan mereka memberikan kerjasama yang penuh. Pada masa yang sama, gerakan pendaftaran vaksinasi turut berjalan. Justeru itu, seramai 200 orang penduduk telah berjaya didaftarkan, manakala seramai 345 buah keluarga setiap blok rumah pangsa berkenaan masih belum didaftarkan dan memohon supaya gerakan pendaftaran vaksinasi tersebut diteruskan.

Dihujung program, Ahli Majlis Zon 23 MBIP menyampaikan sumbangan berupa 10 beg beras dan bakul makanan kepada golongan asnaf dan 500 keping pelitup muka dalam 100 bungkus turut diedarkan kepada penduduk.



## LAWATAN TAPAK BERSAMA DATUK BANDAR MAJLIS BANDARAYA ISKANDAR PUTERI DI KAMPUNG PENDAS BARU BERKAITAN HAKISAN TANAH

Oleh: Mohamad Nor Azhar bin Noor Mohamed

Lawatan tapak bersama Yang Berhormat Dato' Haji Mohd Haffiz bin Haji Ahmad, Datuk Bandar MBIP dengan disertai oleh Tuan Haji Abu Bakar bin Mohamed Salleh, Setiausaha MBIP, Tuan Haji Pandak bin Haji Ahmad, Ahli Majlis MBIP, Ketua Jabatan Bangunan MBIP, Ketua Jabatan Kejuruteraan MBIP dan beberapa pegawai teknikal MBIP adalah bertujuan untuk melihat secara dekat keadaan lima buah unit kediaman yang terkesan akibat hakisan tanah yang berlaku di Lorong Bebaru, Kampung Pendas Baru Gelang Patah.

Sesi lawatan pada 14 Jun 2021 ini adalah untuk mendapatkan maklum balas daripada penduduk yang terjejas serta memperoleh maklumat punca sebenar kejadian melalui siasatan awal pihak Jabatan Kejuruteraan MBIP dan pihak pemaju projek/perunding projek kediaman di lokasi tersebut.

Pihak pemilik projek telah diminta oleh pihak MBIP untuk mengarahkan pemaju projek untuk melantik pihak ketiga bagi membuat siasatan lanjutan berkaitan kestabilan struktur kediaman, tahap keselamatan kediaman dan cara atau kaedah cadangan pembaikan serta cara mengurangkan hakisan tanah daripada berlaku di masa hadapan.

Pihak MBIP juga telah mengeluarkan Surat Arahan Membuat Kajian Semula Keselamatan dan Kestabilan Bangunan kepada pemilik dan pemaju projek serta perunding bagi menguruskan hal-hal berkaitan aduan hakisan yang dilaporkan, merujuk kepada peruntukan Seksyen 70B, Akta Jalan, Parit dan Bangunan 1974 (Akta 133).



## PROGRAM KEMPEN PENDAFTARAN VAKSINASI COVID-19 MAJLIS BANDARAYA ISKANDAR PUTERI

Oleh: Mohamad Nor Azhar bin Noor Mohamed

Program kempen pendaftaran vaksinasi Covid-19 melibatkan Ahli Southern Volunteers Majlis Bandaraya Iskandar Puteri (MBIP), Unit Korporat dan Perhubungan Awam, Bahagian Teknologi Maklumat dan Jabatan Pembangunan Masyarakat.

Kempen ini berlangsung pada 10 dan 13 Jun 2021 di Pasar Sementara MBIP Taman Perling dan Pasar Awam MBIP Taman Universiti. Peserta telah berkumpul di perkarangan Pejabat Wisma MBIP Skudai pada jam 8.30 pagi bagi sesi taklimat dan pembahagian bahan kampen.

Sejumlah 500 unit pelitup muka dan 500 keping risalah kampen telah diberikan kepada orang awam bagi memupuk kesedaran terhadap kepentingan mendaftar sebagai penerima serta mendapat suntikan vaksin Covid-19. Pelaksanaan kampen tersebut diharap dapat memastikan sebahagian besar masyarakat dilindungi oleh vaksin sekali gus mewujudkan tahap imuniti kelompok yang tinggi.



## PROGRAM SANITASI DAN PENDAFTARAN VAKSIN COVID-19

Oleh: Editor

Program sanitasi dan pendaftaran vaksinasi Covid-19 telah diadakan di rumah pangsa Projek Perumahan Rakyat (PPR) Bandar Uda Utama pada 19 Jun 2021 dan di Tiara Apartment Taman Nusantara pada 20 Jun 2021.

Program ini telah bermula pada jam 9.30 pagi dan berakhir pada jam 4.30 petang. Program pendaftaran vaksin Covid-19 disambut baik oleh penduduk memandangkan terdapat lebih 98% penduduk yang masih belum divaksinasi. Seramai 30 orang sukarelawan bertugas bagi membantu kelancaran program.



## OPERASI JUDI HARAM

Oleh: Fahkrul Anuar bin Salleh

Pada 5 hingga 8 Jun 2021, pihak Pengawas Majlis Bandaraya Iskandar Puteri (MBIP) telah mengadakan operasi judi haram dan nombor ramalan haram di sekitar kawasan Skudai. Menerusi operasi ini, sebanyak lima buah premis telah disita dan diarah tutup.



## PROGRAM CORPORATE SOCIAL RESPONSIBILITY (CSR) BANTUAN ASNAT DENGAN KERJASAMA AL-IKHSAN SPORTS SDN BHD

Oleh: Editor

Program Bantuan Asnaf merupakan program *Corporate Social Responsibility* (CSR) Majlis Bandaraya Iskandar Puteri bersama Al-Ikhsan Sports Sdn Bhd yang diadakan pada 15 April 2021. Program ini dilaksanakan sempena menyambut kedatangan bulan Ramadan selain melawat dan membantu golongan fakir miskin di dalam kawasan pentadbiran MBIP.

Sebanyak 10 buah keluarga asnaf telah menerima bantuan berupa makanan, keperluan asas dan wang ringgit.

Turut terlibat ialah Penolong Pengurus Hal Ehwal Korporat Al-Ikhsan Sports Sdn Bhd, Ahli Puspanita MBIP dan Jabatan Pembangunan Masyarakat.



## PROGRAM ZIARAH KASIH

Oleh: Editor

Pada 20 Jun 2021, Ahli Majlis Majlis Bandaraya Iskandar Puteri (MBIP) Tuan Haji Pandak bin Haji Ahmad telah mengadakan Program Ziarah Kasih di Estet Lamsam Jalan Pisang Embun, Kampung Baru Kangkar Pulai. Tujuan program diadakan untuk memberi bantuan kepada golongan yang memerlukan. Tuan Haji Pandak telah menyampaikan bantuan berupa wang tunai, dapur masak, bakul makanan dan telefon pintar.



## BANDAR RAYA PINTAR, MAMPAN DAN SEJAHTERA



## KAKITANGAN BERSARA

Oleh: Antasya binti Mohamed

Pihak Majlis merakamkan ucapan penghargaan kepada kakitangan berikut yang telah bersara wajib di atas sumbangan yang diberikan kepada pihak Majlis sepanjang tempoh perkhidmatan.

Butiran kakitangan adalah sebagaimana berikut:

	Nama : <b>ABDULLAH BIN SALLEH</b> Jawatan : Pemandu Kenderaan H11 Tarikh Bersara : 16 April 2021 Jabatan : Jabatan Kejuruteraan
	Nama : <b>SHAMSUL KAHAR BIN MOHD ZAFIN</b> Jawatan : Pembantu Awam H14 Tarikh Bersara : 2 Mei 2021 Jabatan : Jabatan Pembangunan Masyarakat



## JASAMU DIKENANG (KAKITANGAN YANG TELAH MENINGGAL DUNIA)

Oleh: Antasya binti Mohamed

Warga kerja MBIP merakamkan ucapan takziah kepada keluarga kakitangan yang telah kembali ke Rahmatullah. Semoga Allah S.W.T memberikan ganjaran yang besar kepada ahli keluarganya yang sabar dengan ikhlas kerana Allah S.W.T. Semoga rohnya ditempatkan dikalangan orang-orang yang beriman dan bertaqwa.

	Nama : <b>SAHARULNIZAM BIN SHAHADAN</b> Jawatan : Pembantu Tadbir (P/O) N19 Tempoh Berkhidmat : 01 November 2008 - 20 April 2021 Jabatan : Jabatan Kejuruteraan
	Nama : <b>AIRDA MUSLIMAH BINTI MAHMOOD</b> Jawatan : Pembantu Tadbir (P/O) N19 Tempoh Berkhidmat : 16 Oktober 2009 - 06 Mei 2021 Jabatan : Jabatan Khidmat Pengurusan (Bahagian Pentadbiran Am)
	Nama : <b>MUZZAFAR SHAH BIN HISHAMUDIN</b> Jawatan : Pembantu Penguatkuasa KP19 Tempoh Berkhidmat : 01 November 2008 - 18 Jun 2021 Jabatan : Jabatan Penguatkuasaan





**MAJLIS BANDARAYA ISKANDAR PUTERI  
JALAN MEDINI SENTRAL 9, BANDAR MEDINI ISKANDAR,  
79250 ISKANDAR PUTERI, JOHOR DARUL TA'ZIM.**

 [www.mbigp.gov.my](http://www.mbigp.gov.my)

 1-300-80-5000

 07-5555000

 019-7555404

 MBIP - Majlis Bandaraya Iskandar Puteri

 @mbipofficial

 @mbipofficial

